

Հայկական Ցեղասպանության Ոգեկոչման
Միացեալ Մարմնի

Աշխատանքային Ուղեցույց

Վերանայուած Յունուար 2012

ՆԱԽԱԲԱՆ

Վերջին տասնամեակին, Լոս Անճելըսի հայ համայնքին համար սովորություն դարձած է, Յեղասպանության ոգեկոչումը կատարել գաղութի հիմնական կազմակերպություններու ներկայացուցիչներէ կազմուած Միացեալ Մարմնի միջոցով: Այս մարմնին ընդհանրապէս մաս կազմած էին շուրջ տասը կազմակերպութիւններ՝ երեք քաղաքական կուսակցութիւնները, չորս կրօնական յարանուանութիւնները եւ հիմնական բարեսիրական ու հայրենակցական միութիւնները:

Ապրիլ 2010ին, Հայկական Յեղասպանութեան 95-ամեակի ոգեկոչումը կատարուեցաւ դարձեալ Միացեալ Մարմնին կողմէ, ի տարբերութեամբ, որ Միացեալ Մարմնին միացած էին նաեւ բազմաթիւ բարեսիրական ու հայրենակցական միութիւններ: Ինչպէս միշտ, Միացեալ Մարմնի կազմաւորումը տեղի ունեցաւ Յունուար-Փետրուար ամիսներուն, այսինքն Ապրիլ ամսուայ նախօրեակին, ինչ որ ժամանակի առումով բաւարար չէր հիմնական ձեռնարկներու կազմակերպման համար:

Կազմակերպական առումով, առաւել արդիւնաւետութեան հասնելու եւ անբաղձալի թերացումներուն առաջը առնելու նպատակով, Միացեալ Մարմնի առաջարկին ընդառաջելով, մասնակից կազմակերպութիւնները հաւանութիւն տուին, որ Միացեալ Մարմնի գործունէութիւնը չդադրի Հայկական Յեղասպանութեան ոգեկոչումի յաջորդող ամիսներուն, այլ ան շարունակէ գործել ամբողջ տարուան ընթացքին եւ աշխատանք տանի նախապատրաստելու յաջորդ տարուայ Յեղասպանութեան Ոգեկոչման ձեռնարկները:

Այս հասկացողութեամբ ու մասնակից կազմակերպութիւններու որոշումով հիմը դրուեցաւ Յեղասպանութեան Ոգեկոչման Լոս Անճելըսի Միացեալ Մարմնի տարեկան գործունէութեան:

ՆՊԱՏԱԿ

Միացեալ Մարմինը, իր տարեկան գործունէութեան լիազօրումը ստանալէ ետք, իր կարգին քննարկեց իր գործունէութեան տարողութիւնն ու անմիջական նպատակները եւ նպատակայարմար գտաւ.-

- Տարուայ ընթացքին կազմակերպել Յեղասպանութեան նուիրուած գիտաժողովներ ու սեմինարներ եւ պատրաստել Յեղասպանութեան վերաբերեալ քարոզչական նիւթեր:
- Նախապատրաստել յաջորդ տարուայ Յեղասպանութեան Ոգեկոչման միջոցառումները:
- Աշխատանք տանիլ ընդգրկելու նորանոր կազմակերպութիւններ ու միութիւններ Միացեալ Մարմնի մէջ:

Միացեալ Մարմինը իր քննարկումներու ընթացքին յարմար գտաւ, որ Յեղասպանութեան ոգեկոչման իր գործունէութեան կողքին նախաձեռնել նաեւ, այնպիսի միջոցառումներ, որոնք ըստ էութեան կը կրեն համահայկական բնոյթ եւ բացարձակապէս կը ծառայեն համահայկական շահերու, ինչպէս նաեւ կը վայելեն կազմակերպութիւններու մեծամասնութեան հաւանութիւնն ու աջակցութիւնը:

ԱՇԽԱՏԱՆՔԱՅԻՆ ՈՐՈՇՅՈՅՑ

Միացեալ Մարմինը լաւագոյնս կազմակերպելու համար իր գործունեութիւնը, որոշեց որդեգրել աշխատանքային ուղեցոյց մը, ուր կը յստակացուին՝

- Մասնակից կազմակերպութիւններու ներկայացուցչական ձեւաչափը
- Ղեկավարման ու հիմնական որոշումներու կայացման եղանակը
- Գործնական աշխատանքներու կազմակերպումը
- Միացեալ Մարմնի նիւթական գործունեութեան տարողութիւնը

Մասնակից կազմակերպութիւններու ներկայացուցչութեան ձեւաչափ

Միացեալ Մարմնին մաս կրնան կազմել Լոս Անճելըսէն ներս գործող ունէ գործօն միութիւն կամ կազմակերպութիւն եւ իր մասնակցութիւնը բերել անոր ժողովներուն ու աշխատանքներուն: Միացեալ Մարմնի անդամ որեւէ կազմակերպութիւն իրաւունք ունի մաս կազմելու երկամսեայ յաճախակիութեամբ կազմակերպուող Միացեալ Մարմնի Ընդհանուր Ժողովներուն՝ քննարկելու համար ներկայացուած հարցերը իրենց ընդհանրութեան մէջ եւ կայացնելու որոշում Միացեալ Մարմնի անունով:

Միացեալ Մարմնի Ընդհանուր Ժողովին ներկայացուած առաջարկներու վերաբերեալ որեւէ կազմակերպութեան ներկայացուցիչ իրաւունք ունի հանդէս գալու

- ա. լուսաբանական հարցումով,
- բ. բարեփոխութեան առաջարկով, եւ
- գ. դրական կամ բացասական քննադատութեամբ:

Միացեալ Մարմնի Ընդհանուր Ժողովի բոլոր որոշումները իրենց քննարկման աւարտին կը որդեգրուին համախոհութեամբ: Երբ ժողովը դժուարութեան կը հանդիպի առաջարկը կամ բանաձեւը համախոհութեամբ որդեգրելու, ապա այդ կը դրուի քուէարկութեան: Քուէարկութիւնը յաջողած կը համարուի երբ առաջարկ/բանաձեւը կը ստանայ ներկայ կազմակերպութիւններու նախօրոք ճշդուած քուէներու 2/3 մեծամասնութիւնը (ձեռնպահներու եւ չքուէարկողներու թիւը դուրս կը բերուի ընդհանուր գումարէն):

Ղեկավարման ու Հիմնական Որոշումներու Կայացման Եղանակ

Ընդհանուր Ժողովէն անկախ, կիսամսեայ հերթականութեամբ կը գումարուին նաեւ Միացեալ Մարմնի Դիւանի ժողովները, ուր իրենց մանրամասնութեան մէջ ու գործնականացման հեռանկարով կը քննարկուին ու կը մշակուին Միացեալ Մարմնի Ընդհանուր Ժողովէն բխած ընդհանրական բնոյթի առաջարկները:

Միացեալ Մարմնի Դիւանը կազմուած է

- ա. համահայկական բնոյթի կառոյցներու ներկայացուցիչներով (ազգային կուսակցութիւններ, կրօնական համայնքներ, համագաղութային միութիւններ),
- բ. համայնքի տարբեր հատուածներու հետ յարաբերութիւն մշակելու կարող անձնաւորութիւններով, եւ
- գ. աշխատանքային խումբերու ատենապետներով:

Միացեալ Մարմնի Դիւանը ունի ընտրովի քարտուղարութիւն եւ ատենապետութիւն

- ա. քարտուղարութիւնը կազմուած է քարտուղարէ, գանձապահէ եւ կապի քարտուղարէ
- բ. ատենապետութիւնը կազմուած է երեք անձերէ, որոնք ժողովը կը վարեն փոխնիփոխ

Միացեալ Մարմնի Դիւանի բոլոր որոշումները իրենց քննարկման աւարտին կը որդեգրուին համախոհութեամբ: Երբ ժողովը դժուարութեան կը հանդիպի առաջարկը կամ բանաձեւը համախոհութեամբ որդեգրելու, ապա այդ կը դրուի քուէարկութեան: Քուէարկութիւնը յաջողած կը համարուի երբ առաջարկ/բանաձեւը կը ստանայ Դիւանի անդամներու 2/3 մեծամասնութիւնը (ձեռնպահներու եւ չքուէարկողներու թիւը դուրս կը բերուի ընդհանուր գումարէն):

Գործնական աշխատանքներու կազմակերպում

Աշխատանքներու մասնագիտական մակարդակի ծրագրաւորման ու գործադրման նպատակով Միացեալ Մարմնի Դիւանը կը ստեղծէ աշխատանքային կամ մասնագիտական խումբեր:

Աշխատանքային խումբերու պատասխանատուները կը հանդիսանան լիիրաւ անդամներ Միացեալ Մարմնի Դիւանին:

Աշխատանքային խումբերուն մաս կրնան կազմել.-

- Տարբեր կազմակերպութիւններու ներկայացուցիչներ առանց թիւի սահմանափակումի
- Անհատ մտաւորականներ կամ մասնագիտութեանց տեր անձնաւորութիւններ, որոնք կրնան հրաւիրուիլ մաս կազմելու որեւէ աշխատանքային խումբի:

Միացեալ Մարմնի նիւթական գործունեութեան տարողութիւնը

1. Որեւէ կազմակերպութեան մասնակցութիւն Միացեալ Մարմնի կը դառնայ վաւերական, ա. Երբ Միացեալ Մարմնի Դիւանի կը հաստատէ դիմում կատարողի անդամակցութեան մակարդակն ու համապատասխան տարեկան սակը
բ. Երբ, տուեալ կազմակերպութիւնը կը վճարէ իր վրայ դրուած տարեկան սակը:
2. Այն կազմակերպութիւնը որ չի վճարեր կամ չի նորոգեր իր տարեկան սակը կը զրկուի Միացեալ Մարմնի անդամակցութենէն:
3. Կազմակերպութիւնները կը վճարեն անդամակցութեան սակ համապատասխան իրենց կազմակերպական կարգավիճակին հետեւեալ ցուցատախտակին համաձայն.-

- Երիտասարդական եւ Ուսանողական միութիւններ Մշակութային եւ Մարզական ակումբներ/խումբեր	\$150
- Հայրենակցական միութիւններ, Հասարակական Կազմակերպութիւններ օրինակ՝ Տարօնի հայրենակցական միութիւն, ՀԱՍԿ,	\$300
- Արիեստագիտական կազմակերպութիւններ օրինակ՝ Armenian Medical Assoc., Armenian Film Foundation	\$400
- Արտերկրի հայրենակցական միութիւններ օրինակ՝ Իրանահայ, Իրաքահայ, Պոլսահայ	\$750
- Բարեսիրական Հիմադրամներ, Ֆոնտեր օրինակ՝ Armenian Educational Foundation	\$750
- Համագաղութային Կազմակերպութիւններ (բազմամասնաճիւղ) օրինակ՝ ՀԲԸՄ, ՀՕՄ, ՀՄԸՄ	\$1000
- Կրօնական Յարանուանութիւններ օրինակ՝ Առաքելական, Կաթողիկէ, Աւետարանական	\$1500
- Զաղաքական Կուսակցութիւններ Հ.Յ.Դ., Ռ.Ա.Կ.	\$1500

ԸՆԴՀԱՆՈՒՐ ՕՐԵՆՔՆԵՐ

1. Միացեալ Մարմնի Ընդհանուր Ժողովին մաս կրնայ կազմել շոջանէն ներս գործող այն կազմակերպութիւնը, որ ունի
 - առնուազն 25 անդամներ
 - առնուազն երեք տարուայ պետական պաշտօնական գրանցում,
 - ընտրովի վարչութիւն,
 - մամուլի ճամբով հանրածանօթ դարձած գործունէութիւն,
2. Միացեալ Մարմնի գործունէութեան վերաբերող որեւէ առաջարկ որոշումի կը վերածուի, երբ այդ իր ընդհանրութեան մէջ քննարկումի կ'ենթարկուի եւ կը որդեգրուի Միացեալ Մարմնի Ընդհանուր Ժողովին կողմէն: Ընդհանուր Ժողովին կողմէ որդեգրուած որեւէ առաջարկ պէտք է փոխանցուի Միացեալ Մարմնի Դիւանին, որ իր կարգին հարցը համապարփակ քննարկումի ենթարկելէ ետք կ'որոշէ անոր իրականացման հիմնական տուեալները, ինչպէս՝ տարողութիւնը, ժամանակացոյցը, պիւտճէն: Ապա, Մարմնի Դիւանին կողմէ նախագծուած աշխատանքները, առ ի գործադրում, կը փոխանցուին համապատասխան աշխատանքային յանձնախումբին կամ յանձնախումբերուն:
3. Միացեալ Մարմնի սոյն աշխատացոյցին վրայ բարեխումներ կատարել կարելի է, իւրաքանչիւր տարուայ Յունուար ամսուան կայանալիք Միացեալ Մարմնի Ընդհանուր Ժողովի ընթացքին:
4. Միացեալ Մարմնի Դիւանի անդամներու վերանշանակում կը կատարուի իւրաքանչիւր տարուայ Յունուար ամսուան կայանալիք Միացեալ Մարմնի Ընդհանուր Ժողովի ընթացքին: